



A BETTER LIFE FOR ALL

**ASENTE
LOKUNYENTI,
SISONKE.**

VOTELA I-ANC

Issued by the African National Congress,
ANC Headquarters,
54 Pixley Ka Isaka Seme Street,
Johannesburg, 2001,
+27 11 376 1000,
www.anc1912.org.za

© ANC 2024



African National Congress



ANC



ANC 2024 ELECTIONS MANIFESTO

ASENTE LOKUNINGI, NGEKUBAMBISANA. IMPHILO LENCONO YAWONKHE-WONKHE

Lukhetfo lwa 2024 lutawubanjwa ngesikhatsi lesitawube sigubha ngaso iminyaka lengemashumi lamatsatfu yenkhululeko nembuso wentsandvo yelinyenti. Sekuphele iminyaka lengemashumi lamatsatfu yemtsetfo sisekelo wentsandvo yelinyenti lesisebenta ngawo kute sitikhulule kulamaketane lesaboshwa ngawo ngesikhatsi sembuso welubandlululo, sakhe umphakatsi lokhombisa inchubekel’ embili nalophila ngaphasi kwembuso wentsandvo yelinyenti, longacinisekisa imphilo lencono yawonkhe-wonkhe.

Ngekubambisana nemimango, imiphakatsi, tinhlango tenenkholo, tinhlango tebantfu labasha netebantfu labasikati, bantfu labanesiphiwo sekusungula tintfo, i- LGTBIQIA+, baholi bendzabuko, bantfu labaphila nekukhubateka, tifundziswa, bantfu lesebakhulile, nebemabhezini, sihlele injongo yinye yelive laseNingizimu Afrika lelimunye, lelingabandlululi ngekwwebuhlanga, lelingacwasi ngekwbulili nalelikhombisa imphumelelo, lelinakelela bonkhe bantfu.

i-Manifesto ye-ANC ibukete kakhulu imphumelelo yeminyaka lengemashumi lamatsatfu lesibuya kuyo, ekwakheni umphakatsi longabandlululi ngekwwebuhlanga, longacwasi ngekwbulili, ekuhlonipheni emalungelo abo bonkhe bantfu, nasekuhlangabetaneni netidzingo-nchani tabo bonkhe bantfu. Sizuze lukhulu, kute sicinisekise kutsi wonkhe umuntfu uyakhona kutfola imfundvo, emanti, nekutfutwa kwemangcoliso, kutfola lusito lwetemphilo, lwetindlu, nelwetekuchumana, kodwa kunyenti lekusafanele sikwente kute loku kukhone kusebenta kancono kufinyelele kubo bonkhe bantfu.

Ngiso ke sizatfu lesenta kutsi ngemuva kweminyaka lengemashumi lamatsatfu kusukela ekugcukeleni kwetfu ngaphasi kwembuso wentsandvo yelinyenti, sitikhandza sifuna ligunya lekuchubekela embili nemkhankaso lofiswa nguwonkhe-wonkhe wengucuko neluntjintjo.

I-Manifesto ye-ANC isibophetela ekutseni sibeke embili nati tigaba letilandzelako, letibaluleke kakhulu ekucinisekiseni imphilo lencono yawonkhe-wonkhe:

PRIORITY 1

LUHLELO LWETFU LWETEMSEBENTI LWEKUCINISEKISA KUTSI ENINGIZIMU AFRIKA KUYASETJENTWA

Kwakha ematfuba emsebeni langu 2.5 million ngekuhlangabetana netidzingo-nchani, luhlelo lwavelonkhe lwebantfu labasha, ematfuba alabaphotfule tifundvo temabanga emfundvo lephakeme labase ngakayitfoli imisebeni nekulekelela umphakatsi wonkhana; ngekusebentisana nebemabhezini latimele kwakha ematfuba emsebeni, nangekuhlanyela timali kubemabhezini lasafufusa, emabhezini lamakhulu, emabhezini lasemalokishini nasetindzaweni letisemaphandleni, kwakha lamanye futsi ematfuba emsebeni langu sigidzi. Sitawuchubeka futsi nekugcugcutela kuphatseka ngekulingana kuyo yonkhe imikhakha yetemsebeni netemakhono, etinkapaneni letitimele nakulabasebentela hulumente.

PRIORITY 2

KWAKHA TIMBONI LETITAWUBANDZAKANYA WONKHE WONKHE EKUNDLONDLOBALISENI UMNOTFO WALELIVE

Kukhulisa nekundlondlobalisa umnotfo, sitawubuketa kakhulukati indzaba yekulekelela timboni letibalulekile naletisebenta ngekutikhandla, njengaletfo letihlomula ngalokumbiwa phansi, tetekuvakasha, indzima yetemnotfo lelulhata satjani nalelulhata kwesibhakabhaka, umkhakha wetebuciko nalokunye; kute sikwati kwenyusa lizinga lalesikutsengisela lamanye emave alapha e-Afrika naletinye timakethe letinsha, sitfutfukise umnotfo. Sitawusimamisa timboni letibalulekile njengegetimayini, tensimbi, tekukhacita lokulinywako, kwakhiwa kwetimoto netinkapane tetekwakha, tetekugcoka netetindvwango, imitsi nalokunye lokunjalo.

Sitawulungisa takhiwo-nchani letikhicita emandla, emanti, tetekutfutsa netekuhamba letibaluleke kakhulu ekundlondlobaliseni umnotfo sindlondlobalise lizinga letemphilo, temfundvo netakhiwo-nchani temphakatsi.

Sitawundlondlobalisa tinhlelo tetimboni tebantfu besive salabamnyama kute sisekele tinkapane letingu 2,000; siphangisise indzaba yekubuyiswa kwemhlaba nendzaba yekuchubeka nekuhlala endzaweni ngemuva kwekutsi sikhatsi lekuvunyelwene ngaso sesengcile, kulekelelwe nemabhezini lasafufusa kanye netinkapane tebantfu labasikati, bantfu labasha nebantfu labaphila nekukhubateka. Kwenyuswe lizinga lekutsengiswa kwemphahla leya kulamanye emave emhlabeni nasetimakethe talapha kulelivekati letfu ngekusebentisa i-African Continental Free Trade Area (AfCFTA), i-BRICS Plus nebudlelwano bekuhwebelana nalamanye emave, kuhlembisa imitsetfo yahlumende, nengucuko yemkhakha wetetimali, kuhlangatjetwane netidzingo-nchani silekelele kuvuleka kwematfuba emsebeni nekusungulwa kwetimboni letihlukahlukene.

PRIORITY 3

IMITAMO YEKUHLANGABETANA NETINDLEKO LETISETULU TEKUPHILA

Kwenta kuhlangabetana netidzingo tekuphila kubelula kulabasebentako, labete imisebeni, emakhaya lalawulwa bantfu labasikati nebantfu labasebentako, sitatinikela kakhulu ekuhlangabetaneni netidzingo letibaluleke kakhulu njengekudla, tindlu, tetemphilo, emandla agesi, emanti, kwekuhamba kanye nemiholo. Kulomnyaka lotako, sitawubeka embili indzaba yekucinisekisa kutfolakala kwekudla, sisuse umtselo (i-VAT) empahleni lebaluleke kakhulu, siphangisise indzaba yekubuyiswa kwemhlaba, silekelele kulokuphatselene netingadze temphakatsi/tebantfu letisemakhaya abo, sivimbele nekuvumelana kwetinkapane ngalokungekho emtsetfweni kutsengisa imphahla ngentsengo letsite.

Sitawuchubeka nekundondlobalisa kusekelwa ngetimali kwetidzingo-nchani njengemanti, tindlu kulabeswele, nekucegisa umtsetfo kute kusitakale labete emandla ekutentela kuboMaspala, kugcugcutelwe kutfolakala kwemandla agesi laphuma elangeni langembi ecolo futsi loko kusekelwe ngetimali, kuciniswe tinhlelo tekwetfulwa kwelusito lwetemphilo kubuye kwetfulwe i-National Health Insurance (NHI)

kute lizinga lelusito lwetemphilo lungembi ecolo bonkhe bantfu bakhone kulutfole. Ngekubuka inkinga bafundzi lababukene nayo, sitawuncuma tindleko tekuchashiswa kwetindzawo tekuhlala sakhe letinye tindzawo tebantfu tekuhlala.

Kute sicinisekise kutsi kute losalela emuva, sitawucinisa lusito lwemali lengenako ngetinhlelo lesetivele tikhona te-social grant, kusetjentiswe ema-grant e-Social Relief of Distress (SRD) kute kwetfulwe umholo we-grant losisekelo, kucinisekise kutsi imali lephansi lencuniye yekunyuswa kwemholo ihambisana nelizinga lemandla emali.

PRIORITY 4

FAKA SANDLA EKUTFUTFUKENI KWETIMPHILO TEBANTFU UHLANGABETANE NETIDZINGO-NCHANI

Sitawenta kancono kute sitfutfukise lizinga letemfundvo, letemphilo, siphucule siphindze sitfutfukise letinye tinhlelo letisita umphakatsi, nayo yonkhe imikhakha yahlumende itawusebenta ngekubambisana kucinisekisa kwetfulwa kwetinsita kancono kubantfu.

Sitawuniketa hulumente wavelonkhe newesifundza emandla ekusekela nekungenelela etindzabeni taboMaspala labanekinga yekwetfula tinsita emiphakatsini, siphindze sisite ekwetfuleni emanti lahlantekile, emandla ekunakekela kanye nesakhiwo-nchani semanti. Sitawutfufukisa lizinga lekulawulwa nekutfulwa kwetinsita letidzingwa ngumphakatsi, sicedze inkohlakalo siphindze sisebentisane nemiphakatsi kute setfule tinsita letisezingeni lelisetulu futsi bantfu labangatsembela kuto.

Sitawunyusa lizinga lekutfolakala kwemali ye-grant, tindlu tamahhala, kwekuhamba, emanti, kutfutwa kwendle, gesi, netekuchumana, konkhe lokutawusekelwa ngetimali, sifake sandla ekutfufukeni kwetimphilo tebantfu, lokufaka ekhatsi temfundvo, kuceceshwa, kanye nekufinyelela elusitweni lwetemphilo.

Sitawucinisa siphindze silekelele endzimeni ledlalwa mindeni lehlukahlukene ekusekeleni bantfu labasha kanye netimphunga, sibukete kakhulukati kukhuliswa kwebantfwana. Sitawucinisa nelizinga lwetinsita leticondzene nebantfu labadzala, lokufaka ekhatsi tikhungo tekunakekela letitinte emiphakatsini naletisetindzaweni letitimele, sigcugcutele kucajtangelwa nekuhlonishwa kwebantfu labadzala emiphakatsini yetfu.

PRIORITY 5

VIKELA UMBUSO WENTSANDVO YELINYENTI UCHUBELE EMBILI INKHULULEKO

Sitawukhutsata siphindze sivikele emalungelo abo bonkhe bantfu ekucwasweni ngekwwebuhlanga, ngekwbulili, eludlameni loluphatselene nebulili, kuzondwa kwebantfu labavanako labanebulili lobufanako, kubandlululwa nekungemukeleki; sitawuchubela embili emalungelo nesitfunti sebantfwana, sebantfu labasebasha, sebantfu labadzala, salabo labaphila nekukhubateka kanye nemalunga e-LGBTQI; sichubeke nekulwela kukhululeka ngalokuphelele kwebantfu labasikati sibe nemiphakatsi lengacwasi labanye ngekwbulili.

Kucinisa sandla ekulweni nebugebengu sente imiphakatsi yetfu ibe ngulephephile, sitawutsatsa tincumo ngaphandle kwekungabata nakuta endzabeni yetidzakamiva, bugebengu lobuhleliwe, ludlame loluphatselene nebulili nekubulawa kwebantfu labasikati, kwebiwa nekulinyatwa kwetakhiwo-nchani, kutsatfwa kwetintfo ngebudlova kanye nemacembu etigebengu.

Inkohlakalo icekela phansi kutsenjwa takhamuti kanye nentfutuko yelive kanye nemiphakatsi yetfu. Ngako sitawuchubeka nekulwisana nenkohlakalo, sitfutfukise lizinga lahlumende lekumela konkhe lakwentako, kuciniswe tigaba tekuphenya nekuboshwa kwetigilamkhuba nekucinisekisa kutsi bugebengu bujeziswa matima emkhakheni wemphakatsi newetinkapane letitimele. Silungisa kabusha luhlelo lwetfu lwetekungena nekuphuma kulelive kute kuhlangatjetwane nenkinga yekungena nekuphuma kwebantfu kulelive ngalokungekho emtsetfweni, kutfolakale tindlela letilula tekulandzela luhlelo lwekufakwa kwetcelo tema-visa, kutfulwe umtsetfo munye wetekuvakashela emave lotawuhlanganisa sive, bakhoseli nekuvakashela kulelive.

Kute sicinisekise kutfulwa kwetitsembiso lesitentako, tekwakha live lelikhombisa imphumelelo nalelitfutufukako, tekucinisa budlelwano emkhatsini wahulumende kuto tonkhe tigaba kanye nebantfu, sakhe kabusha siphindze sitfutfukise hulumente wendzawo, kwakha tinhlelo temphakatsi letisebenta ngalokusezingeni lelisetulu futsi letikhombisa imphumelelo, sisekelo sato lekuyi Batho Pele, bese sicinisa kulawulwa kwendzawo ngekubambisana ngekulandzela i-District Development Model.

Kuvuselela kabusha umehluko lowentiwa betebuciko, indzabuko, tilwimi, emasiko, betemidlalo kanye nemkhakha wetebuciko ekwakheni sive sonkhe, kubambisana kwemphakatsi nekutfufuka kwesive.

PRIORITY 6

KWAKHA I-AFRIKA LENCONO NEMHLABA JIKELELE LONCONO

iNingizimu Afrika itawuchubeka nekusekela intfutuko nekuthula kulelivekati letfu nasemhlabeni wonkhe jikelele, sicinise tetekuhwebelana nematfuba ekutjala timali emkhatsini wetfu nalamanye emave futsi sisebentele kuvuselela budlelwano netinhlango nalamanye emave, kubekhona kubambisana, kusebentisana nalabanye kanye nemphumelelo nalamanye emave, kute kwakheke kuthula nebudlelwano nato tonkhe tive.

ASENTE LOKUNYENTI, NGEKUBAMBISANA

i-Manifesto ibophelela i-ANC, kuleminyaka lesihlanu letako, kutsi ilungise emaphutsa yente lokunyenti, masinyane futsi kancono.

i-ANC itinikele ekutfufukiseni kutsi lapho kunesidzingo khona, icondzise tigwegwe temalunga nebaholi bayo. Leyo yincenye yekuvuselela tintfo kabusha.

Sisebentisana ngekubambisana nayo yonkhe leminyane imikhakha emiphakatsini yetfu, simunye ngekuhlukahlukena kwetfu, singenta lokunyenti kute sakhe imphilo lencono yato tonkhe takhamuti tase Ningizimu Afrika.

VOTELA I-ANC

29 MAY '24

African National Congress



ANC



MYANC PLEDGE ELECTIONS INITIATIVE



A BETTER LIFE FOR ALL

TO PLEDGE



SCAN ME

OR GO TO

www.anc1912.org.za/pledge

OR

SMS "ANC" TO

37057

to PLEDGE R10

44892

to PLEDGE R20

42053

to PLEDGE R30

PLEDGE FOR A
DECISIVE VICTORY
AND A BETTER
LIFE FOR ALL!